



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1511388

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

17 մարտի 2021թ.

ք. Երևան
(կազմման վայրը)

Ակտի հասցեատեր

Ա/Ձ Լիլիթ Բաղդասարյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	8	6	6	2	3	4	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, Սյունիքի մարզ, գ. Նորաշենիկ, 1 փ., 2

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 02.02.2020թ. թիվ 1511388 որոշման համաձայն Ա/Ձ Լիլիթ Բաղդասարյանի (այսուհետ՝ Ընկերություն) նկատմամբ իրականացվել են օպերատիվ - հետախուզական միջոցառումներ (այսուհետ՝ ՕՀՄ):

Իրականացված ՕՀՄ-ի շրջանակներում պարզվել է, որ 04.03.2021թ. ժամը 14:20-ի սահմաններում Ա/Ձ Լիլիթ Բաղդասարյանը, «Լադա Նիվա» մականիշի 36 ՍՀ 866 պ/հ-ի մեքենայով, Սյունիքի մարզ, ք. Կապան, Դավիթ Բեկի 6 հասցեում գտնվող իր խանութից իրականացրել է ընդհանուր 23 700 ՀՀ դրամ արժողությամբ բրնձի, ձեթի և կարտոֆիլի տեղափոխություն դեպի Սյունիքի մարզ, ք. Կապան, Մ. Պապյան փողոցում գտնվող մանկապարտեզ՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 23 700 ՀՀ դրամ արժողությամբ ապրանքների տեղափոխման համար Ա/Ձ Լիլիթ Բաղդասարյանի կողմից դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է Ա/Ձ Լիլիթ Բաղդասարյանի կողմից 04.03.2021 թվականին ներկայացված գրավոր հայտարարությամբ:

Թիվ 1511388 արձանագրությամբ 04.03.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 12.03.2021թ. նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ա/Ձ Լիլիթ Բաղդասարյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Լիլիթ Բաղդասարյանի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմել է 23 700 ՀՀ դրամ, որի 50 տոկոսը կազմում է 11 850 ՀՀ դրամ, ուստի օրենսդրական պահանջից ելնելով Ա/Ձ Լիլիթ Բաղդասարյանի նկատմամբ կիրառելի է 200 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Լիլիթ Բաղդասարյանին գանձման առաջադրել 200 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200 000	պետական բյուջե	900008000490

2.Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Ձ Լիլիթ Բաղդասարյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պարտախանապու անձ՝ հաղուկ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)